



益戒堂詩後集目錄

卷六

壬辰下

古今體詩
九十五首

奉和查田先生重遊小園次少陵重過何氏原

韻五首

食園中筍蕨偶作

曉聞鶯聲呈他山先生

查田夫子重遊小園有詩見示余亦次韻請正

謬承獎飾且謂末章以禪悅寫性靈殊自愧

也謹疊前韻求印可焉五首

次他山師看藤花原韻

他山師以釋門五經約註見惠賦謝

再疊前韻奉酬他山師

次他山先生雨後觀芍藥原韻

詠綠牡丹

將往塞外疊前韻呈他山先生兼博和章

重過王家營次他山師喜晴舊韻

次韻訓別他山先生

以木拄杖寄他山師

恭和

御製賜大學士溫達詩

恭和

御製賜將軍潘育龍詩

恭和

御製賜將軍吳英詩

以灤鯽蕨菜饋他山師有詩枉謝次韻奉答

暇日書懷疊前韻呈他山師

盆中新荷一花初放

次韻答他山先生

和他山先生久旱得雨次原韻

夏日冰次他山師韻

和他山師園中看荷花次原韻四首

詠金蓮花二首

自次前韻二首

憎蠅

家園所寄芙蓉花未全萎詩以紀之

蚊

詠塞外蝴蝶

夏夜聞蟲聲偶作

恭和

御製湧翠岩觀瀑賞白蓮詩

螢

七月初六日塞外立秋

寄祝宣城梅定九徵君八十壽十二韻

徐蘋村先生輓詩四首

詠秋海棠

念奴嬌

詠二色杜若花

鵲橋仙

他山先生常乘驢車自賦解嘲奉次原韻

以蠅拂子饋他山師有詩見寄次韻奉答

詠夜光木

嘉禾雙穎

詠紅葉

綺羅香

聞鴈

掃花遊

塞外中秋夜雨

桂枝香

秋雪

齊天樂

雪霽兼懷他山先生

過白雲山

臺城路

和南湖學士秋吟八首

雨

雲

露

風

花

草

蟲

蝶

入古北口

秋杪家園海棠忽放一枝時瓶中桂香未歇因

令圖於絹素呈他山師辱題佳詠次韻奉和

二首

次他山師藥酒初成原韻

以人參饋他山師有詩見謝次韻奉答四首

戲詠冬日牡丹二首

三姝媚

盆中蘭花冬月猶放

歲暮歸自塞外偶成

園中竹林經冬尚茂口占二首兼示南湖學士

壬辰除夕二首

癸巳上

古今體詩
二十一首

癸巳元旦二首

歲暮次韻訓湯西厓院長八首

新正郊居疊西厓院長韻末二章兼呈他山先

生觀河居士八首

元夕觀放煙火寄懷東江

和他山師雨後看海棠次原韻二首

益戒堂詩後集卷六

起壬辰四月
盡癸巳三月

長白揆叙愷功父惟實居士著

男永壽仁山甫謹輯錄

奉和查田先生重遊小園次少陵重過何氏原

韻五首

忽枉幽探句淋漓抵尺書巡簷藤蓋瓦渡水竹環廬徑
掠銜泥燕池喧食藻魚主人歸輒晚慚愧賦郊居

其二

到岸舟初繫看山席更移苔痕粘蟻子花蘂聚蜂兒暮

雨侵書幌晨霞映錦波舊歡猶省記補缺驗芭籬

其三

僻興耽吟詠同遊隔歲時停雲千里夢謂東江種樹十年詩

先生詩有種花兼種樹還費十年功之句

莫便催驪唱何須憶繪絲編摩如有暇還

踐牡丹期

其四

曲檻迴身過平疇引步長迸堦抽笋籜試水瀹茶槍圃
課栽梨棗畦添插稻梁尋芳非俗事寧礙苦張皇

其五

擾擾浮生夢新新不住年楞嚴經念念遷謝新新不住漸虛砭耳藥深負

醒心泉杜詩山驛醒心泉

勞瘁勤鞭策荒疎委硯田漫悲臨別語

準擬問頭然

食園中筍蕨偶作

丹稜泝北水灣環紫蕨抽芽筍籜斑小圃嘗新真過分

不須身到會稽山放翁詩稽山筍蕨正嘗新

晚聞鶯聲呈他山先生

催得春歸已十分思家南客定先聞柳堤穩坐如傳語

杜詩黃鶯並坐交愁濕花徑斜飛似覓羣靜裏一聲占出谷夢中百轉

妬為雲

放翁詩啼鶯妬夢頻催曉

麥黃甚熟年時景

古諺云黃粟畱有我麥黃甚熟否

猶記閒

聽酒半醺

查田夫子重遊小園有詩見示余亦次韻請正

謬承獎飾且謂末章以禪悅寫性靈殊自媿也

謹疊前韻求印可焉五首

徑小籃輿轍牀多貝葉書未須銘陋室便可號精廬機

息看馴鳥綸收洽濟魚何妨金粟界法喜亦同居

其二

春來花自發舟動岸頻移荏苒過中歲鈞陶任小兒浮

萍初合沼宿麥又連陂更喜龐居士談經到竹籬

其三

役倦龍荒日心皈鹿苑時夙疴惟識藥積習未拋詩

白詩

猶殘口業未拋詩

學富慚摘錦名浮悔剉絲

法華文句記剉絲盈筐不可織為錦繡

蓮邦終

有願憑仗指前期

其四

玉律催時短銀函慰日長力拚澄五濁愛擬斷三槍

喻

師地論有三種愛譬如三槍諸魔執持纏繞

假合嗤搏土浮榮劇夢梁一聞真實語

不羨謁東皇

其五

薄俸難支歲離居每送年漫隨南去鴈且作北流泉杜詩

水號北流泉性本耽禪悅功期廣福田會應燒舍利妙理合天

然

次他山師看藤花原韻

閒園紫藤花風雨歲狼籍雖逢三月放長類九秋隔晨
趨歸已昏遊賞馳魂魄晝尋阻幽討夜探負深蹟方其
盛開時爛熳超凡格香圍四座濃陰覆一庭窄蛟龍攫
籬落纓絡垂几席饒涎酒伴分纖手厨娘摘園丁任裁

剪鄰叟恣搖擘主人日少暇萬里生咫尺畱歡甚樽筓
選勝乏題額遠離似無緣相避如有隙公詩出性海落
地金聲擲竒懷鄙雕鐫異味謝魚炙曾繙指月錄不演
連山易多生皆幻景百歲真過客下來褰步障還用點
盤核摩挲間自慰愛翫老成癖憂先計明年
先生詩云明歲花發時回首感
陳迹樂且終今夕譬如空中華轉眼無朕蹟

他山師以釋門五經約註見惠賦謝

大千出微塵華嚴經譬如有大經卷量等大千世界而全住在一微塵中時

此經卷令諸衆生普得饒益勝妙未曾有似恒河沙數龍象曷勝負流傳

到真丹挂一長漏九尚嫌卷帙富詎獲仔細剖善哉翁

參知翁官粵西參政約註垂不朽法華號經王般若標佛母闡揚

方廣義修證楞嚴首波羅撮機要禪定握樞紐能仁如

幻語靈變軼株守陶家或擲輪素洛還入藕大仍彌宇

宙纖欲析埃垢世人得此本暗夜覲星斗曩雖披梵筴

默識慚誦帚津涉乏搜探水陸困馳走吾師嗜內學兀

坐柳生肘六時頻攝念百事寧挂口謂予猶可教吹獎

愛忘醜朝來妬路文投贈輟寶手華嚴經願諸衆生得寶手華手香手攀緣漸

知妄流轉苦為咎迷因明立所覺待根無偶真詮誓皈

依惡業期抖擻他年蓮花社果許同遊否

再疊前韻奉酬他山師

曩繙釋氏書微密超諸有管深慚豹窺力薄笑蚊負晨

披時閱四夕誦歲徂九妄緣雖漸諳實義終難剖五經

涉淵奧一雨潤枯朽譬如失乳兒邂逅遇慈母首楞嚴經如失乳兒

忽遇慈母又如法鼓鳴魔外盡稽首佛道論衡法鼓暫鳴則天魔稽首皈依到修羅

呵護煩韋紐智度論韋紐天是諸天大將只嫌凡俗累未愜真常守品寧

辨竒藥味僅識殘藕立世阿毘曇論婁闍耆利象王有大威德有八千象重重圍繞其外黑象入池拔取藕根送象王食

象王食已以其殘藕依次分與衆象妙香期淨慮靈水待除垢先生詩中禪揮

灑才八斗洗心對明鏡止定過埽帚止觀輔行止如手提觀如用鎌止如埽帚觀如除去

總持三慧圓互用六根走摩訶止觀如是六根徧走諸塵無一可得靜居華貫頂

宴坐栢生肘漸通那律眼欲杜毘耶口倒函俄損惠琢

句輒忘醜伴來枉和章勝出陶謝手語言尚思屏文字

迄成咎津梁願公示笙鶴非吾偶瑕疵須浣濯塵空長

抖擻東方雞後鳴已見精色否

次他山先生雨後觀芍藥原韻

獨遲羣卉殿春風澹白深紅各幾叢得兩倍憐新樣好

看花難得故人同翻階色映紗幘畔插髻香分酒盞中

東坡送芍藥與李公擇詩還將一枝春插向兩髻

結習已空應不著前身知是淨名翁

詠綠牡丹

鉛華洗盡碧雲深一樣濃香入醉吟雨過池塘春澹澹

風迴簾幕曉沉沉當杯豈羨雙荷葉入曲應諧百納琴

比似仙蹤無定所李義山詩萼綠華來無定所人間何路可追尋

將往塞外疊前韻呈他山先生兼博和章

掩關何計遣無慘盡識愚夫不解招白詩我是愚夫肯見招自註獨酌謠云愚夫子不招

花底揮毫巾或墮風前把卷袖從飄腸迴紫塞雲山繞

夢覺紅塵歲月遙賴有佳吟超美醞愁城十丈一時消

重過王家營次他山師喜晴舊韻

半空黃霧散氤氳馬足車輪近不分塵土漸增俄蔽日
峰巒如失豈關雲溪藏翠色迷圖畫樹減清陰縱斧斤
寧似當時聯轡景漫將書札報知聞

次韻訓別他山先生

塞垣作賦讓雄才却惜今年不共來驪唱莫催千里別
鴈程須待九秋回時先生欲作歸計故及之經寒甌李多遲熟冒暑金蓮
忽蚤開行辨西湖尋舊賞休誇此地是蓬萊

以木拄杖寄他山師

紅藤青竹詎堪倫介壽先貽白首人白樂天紅藤杖詩西江白首人捷徑無

爭因息念名山有約鎮隨身刻成鳥出枝垂羽庾子山竹杖賦枝端

刻鳥化作龍飛雨墜鱗傾倒天瓢知弗靳佇看膏澤潤埃

塵時天久旱故云

恭和

御製賜大學士溫達詩

弱齡孝友盡知名頭白持衡翊太平黃閣經綸天下重

巨川舟楫浪前輕杜詩舟楫浪前輕薰琴仰贊重華治寶鼎均

調傳說羨喜起明良歌盛事蚤頒

益州堂詩後集 卷六
宸翰示褒旌

恭和

御製賜將軍潘育龍詩

西郵久鎮輯兵戎宿將成勞厯

聖衷塵靜秦關停戍鼓風清瀚海挂強弓

溫綸屢諭褒崇意

山藻還嘉戰伐功蚤晚

榮光臨棨戟預知喜動白鬚翁

恭和

御製賜將軍吳英詩

水戰勲名憶昔年奮身摧敵泛樓船滄溟夜轉千帆月

碧落晴消萬里煙島息鯨波歌永靖籌添鶴算願長延

老臣特荷

奎章錫獎賞前功勛未然

以灤鯽蕨菜饋他山師有詩枉和次韻奉答

山膚水豢品難兼灤鯽肥宜野蕨甜鮮奪青林烹越桂

甘分紫塞壓吳鹽遠書開匣初成笑微費登庖未損廉

豈比恒人營口腹本無痼疾更誰砭

暇日書懷疊前韻呈他山師

明明心體二非兼
白曉何曾判黑甜
性自能傳薪是火
味寧真識水為鹽
擬投簪紱應無累
分減盤飧亦過廉
贏得搜吟餘習在
年來同病闕鍼砭

盆中新荷一花初放

秀擢盆池一萼新
遠分六月下塘春

東坡詩繞郭荷花一千頃誰知六月下塘春

孤

生不礙標君子獨立差堪當麗人

香山詩蓮開當麗人

露濯紅衣長

帶潤風搖翠珮迴
離塵芳華底用紆吟賞
願借毫光見

佛身

義山詩一一蓮花見佛身

次韻答他山先生

久作休官計因循
六月交暫隨雲釋嶠

昌黎詩釋嶠孤雲縱

終許鳳

歸巢鄰叟知相諒
山靈肯獻嘲秋期
姑少待莫更促占

爻

和他山師久旱得雨次原韻

屢報京師早開緘
我欲愁自天施一雨
盈室驗三秋色

染修篁潤聲添曲澗
流願分餘澤遠滂沛
灑中州

時聞河內旱甚

夏日水次他山師韻

結處翻成礙融時
不廢流四纏生計度
一體判沉浮玉

井涼先覺金微價倍酬塞外水價殊貴但明真水性法界自能周

楞嚴經云如水成冰冰還成水又云性空真水清淨本然周徧法界

和他山師園中看荷花次原韻四首

曾覲芙蕖達性空
瑠璃寶界梵仙宮
結成淨綠浮根外
洗盡紛紅幻色中
翠靄深涵金鑿落
彤霞低覆玉玲瓏
清遊知在雲生處
悵望西南隔好風

其二

丹稜泝北甕山旁
水面風迴細作香
銅漏頻移持夜燭
錦帷高捲翫晨粧
坐來便想清炎暑
折去寧堪餉遠方

別樣丰姿邀賞識
頭銜合署水仙王

其三

晚涼一陣響蕭蕭
特厭繁華愛寂寥
月鏡乍升窺鷺集
風裳忽動識蛙跳
籠煙淺澹頻依岸
擎露欹斜偶抱橋

李義山詩荷
敬正抱橋

莫對林塘動鄉思
山程水驛尚迢遙

其四

雲錦天機占一池
芬陀利聳更多姿
碧衣著雨終難濕

蘇詩雨中荷
葉終不濕

素袖經塵不染緇
半日蘆汀凝望地
三庚榆

塞憶歸時開緘
便作還家想
携得高人畫裏詩

益開堂詩後集 卷六
藏板
詠金蓮花二首

輝煌寶燄一時開不是金仙不踏來夢裏似曾窺色相
清涼山上曼殊臺

其二

亭亭高擲出塵姿彷彿祇園布地時貝葉記探安隱國
摩訶池畔發拘支

自次前韻二首

落盡穠華最後開分身遣化識如來香風一陣知何自
吹過蓮邦九品臺

其二

骨格天生麗水姿金塘菡萏恰同時移根近自興安嶺
寧似戎王別月支

憎蠅

好靜真成癖營營柰汝何灰中生不斷秋後撲還多卧
恐雞聲誤飛兼豹脚過寫生須善狀莫遣畫師訛

家園所寄芙蕖花未全萎詩以紀之

欲落猶堪勝剪裁清芬本自絕塵埃出泥已歷千山遠
得水還能一夜開色漸從衰偏解愛香仍可覲定無猜

用比丘
麝香事 郊居光景真難忘滿眼秋容錦作堆

蚊

賦性宜卑濕何因塞外生山知重莫負雷恐聚還成揮
扇長侵夜畱燈每徹明當年歌枕地睡美不聞聲

詠塞外蝴蝶

塞垣也學壽陽粧迴頸分明小鳳凰
李義山蝶詩為問翠釵釵
上鳳不知香頸為誰迴又

云壽陽公
主嫁時粧 入夢儘堪迷傲吏披圖應不羨滕王邊風作意

頻吹粉山卉無名任採香差勝羅浮五色羽歸飛萬里
隔炎荒

夏夜聞蟲聲偶作

積雨晴來暑未收隔簾蟾影夜如鈎小蟲何物知時節
一月前頭已報秋

恭和

御製湧翠巖觀瀑賞白蓮詩

竒景難窺造物功銀河直下勢應同垂從天上昭雲漢
灑向人間潤錦叢翠浪晴噴千嶂雨白蓮香滿一湖風
清涼無熱三禪外俯仰渾忘色相中

螢

西樓金鏡隨微茫腐朽乘時亦吐光散火夜飛沾酒肆
背燈秋點讀書牀影低似怯三霄露力薄難禁十月霜
蚤識飄零無所定透簾穿幕為誰忙

七月初六日塞外立秋

龍庭葉落火西流鸞扇風生簟欲收百事未成虛遣日
一年堪惜又逢秋雲沉塞鴈旋應度水縮灤魚漸可求
身在異鄉吾勿悔祇慙頻負曝衣樓

寄祝宣城梅定九徵君八十壽十二韻

南國新秋節高人大耄年田居名益著雲卧學逾專矻

矻忘朝食孜孜費夜眠陰陽窮晷度經緯驗推遷自惜

聞天語從茲考日躔幾何搜秘奧三角契方圓蘊發

圖書始功窺造化先校讐時歷久探索義初全西極符

精理中華紹絕傳深微無客難似續有孫賢先生令孫亦精
數學近奉 聖

諭令其來
京供奉曾識風儀古期增歷算綿少微光遠映長共壽

星懸

徐蘋村先生輓詩四首

擬寄稱觴句今年十月先生九十大慶
及門諸君來徵拙詩為壽俄成折棟占悲歡千里

異歌哭一時兼嗜學貧無輟吟詩老未厭免教殘錦夢

才盡笑江淹

其二

玉尺原無缺冰壺漫指瑕風帆纔脫險野服便還家

賜額

恩偏重遷官渥洵加更憐聞訃日

天語尚褒嘉

承訃之日 上於行在與侍直諸臣從容論及海內儒臣年高博學者猶舉先生姓名

其三

自賦歸田後閒居歲月除眼中無舊侶膝下有尚書引
水催澆竹開畦課種蔬平生經濟策臨老付樵漁

其四

蚤荷中郎賞優容獎出羣賦探沈約句序辱士安文先

曾為余作詩序雪水沉明月羌山隱暮雲追思無限恨灑淚向秋

旻

詠秋海棠

念奴嬌

蕭條沙塞蚤絲絲紅萼暗催詩句翠雀金蓮凋落後翠雀

塞外花名一種向人如語拾藥蜂稀尋香蝶少秋在花深處春

光不借免教羣卉爭妬無柰吹謝吹開西風陣陣助

悲涼情緒輕著胭脂濃襯葉畫手應難摹取香霧濛濛

粉霞澹澹點綴松亭路且來閒賞迨天猶未多雨

詠二色杜若花 鵲橋仙

蒲桃暈錦胭脂點雪染出名花深淺含煙浥露兩般姿
各占了秋光一半 紫瓊輕琢彤霞分映妙手應難裁
剪楚詞空解說芳洲恐此種靈均未見

他山先生常乘驢車自賦解嘲奉次原韻

馭氣虛聞汗漫遊蹇驢安穩駕行輶高情每羨凌雲鶴
陳蹟仍嗤踏磨牛海上閒田期速墾人間捷徑本無求
灞橋風雪詩家興浪說衝塵控紫騮

以蠅拂子饋他山師有詩見寄次韻奉答

一柄千絲結乍成解除便許識無生塵消園合標離垢
習盡花難著淨名羽扇搖風功未敵 少陵樓拂子詩
不堪代白羽 松枝濯
露體還輕會看掃却蚊蠅淨初白茆菴漸可營

詠夜光木

乍覺幽光發先因濕氣蒸陰陽渾未判水火不相凌 楞首

巖經富樓那言復云何明水
火二姓俱徧虛空不相凌滅 照室明於燭堆牀淨若冰張華矜博

物竒木見何曾

嘉禾雙穎

益形堂詩後集 卷六
藏板
秋塞消炎候良苗擢穗時祥同花並蒂秀比麥雙岐布
野占年稔如雲識土宜寧盈書上瑞介壽叶豳詩

詠紅葉

綺羅香

雲暗黃沙霜凝紫塞涼意先摧林葉萬樹朱殷點綴荒
山如活耀晨旭欲奪晴霞尋艷藥誤招殘蝶只少片湛
湛秋江蘆花深處艤舟楫 旅况寧禁蕭屑恐一夜吟
蛩助成悲咽耐幾回看便是凋零時節向空際高下隨
風漸枝亞玲瓏透月須乘此坐玩停車金河未飛雪

聞鴈

掃花遊

塞山征鴈被鵲角弓開一時衝散碧空數點正霜凝木
落水平沙淺陣陣哀鳴催得流光似箭莫呼伴祇隔片
荒雲相覓難見 玉關來漸遠甚久客天涯又交秋半
雨昏燭暗奈還家曉夢忽然驚斷同此歸程賴是年年
聽慣漫長歎倩南飛寄書未晚

塞外中秋夜雨

桂枝香

冰輪正滿被幾片浮雲匿影成魄急雨催寒灑遍萬株
黃葉尋常客裏光陰度到今宵却傷離別暗莎蛩語荒
蕪雁叫一般淒切 記勝賞南樓未缺見柳岸籠煙沙

益州堂詩後集 卷六 藏板
路堆雪倦枕殘燈此景不堪重說蟾高兔遠何堪問嘆
清遊漸成消歇寄聲屏翳天衣漫捲怕看明月

秋雪 齊天樂

塞垣秋半飛翼集續紛盡埋荒草老樹凝華迴溪擁絮
松漠俄驚春到吹空未了正紅葉辭枝枯萍黏沼毳帳
篝燈夜闌寂寞甚懷抱 推枕悞疑天曉又暗劓節序
歸信仍杳獸炭頻添狐裘欲換領畧新寒多少癡雲漫
掃看千里生輝四區同縞寫入吳綾一峰峰更好

雪霽兼懷他山先生

晴光朝漸吐濕氣午初分樹變丹黃葉山橫斷續雲沙
寒龍退甲塞遠雁呼羣此景曾同見揮毫憶右軍

王右軍
有快雪

時晴
帖

過白雲山 臺城路

曉風欲放金烏出吹散濕雲千縷列岫浮青層巒聳翠
都把晴綿畱住欲開還聚漸低壓疎林遠沉寒渚隔斷
征鴻幾迴空外覓儔侶 秋光堪敵畫譜離程頻駐馬
催就詩句薄霧侵衣荒煙撲帽多是添人愁處山靈乞
與待攬入書囊携將歸去只恐濛濛夜窗飛作雨

和南湖學士秋吟八首

雨

略添塞水未成河杜詩塞水不成河高灑荒林下淺莎蛩語數聲

悲節換鴉翻一陣警秋多迎寒直恐凋紅葉迴暖先謀

捲白波銀燭無光歸夢杳擁衾愁聽夜如何

雲

片片無心卷復舒釀殘窮塞雨聲疎從龍飛去歌難遏

帶鴈橫來畫不如觸石漸生三里霧繞簷長護一牀書

更煩風伯驅除盡放出冰輪挂紫虛

露

仙掌擎空又一時夜涼先濯最高枝黃沉漁浦蒹葭亂

翠減龍堆草木知正使成霜猶有待若教益海定無期

庭前暗滿當年景佳句重窺杜拾遺杜詩庭前有白露暗滿菊花團

風

急吹寒葉墜堦前玉塞沙飛磧斷煙曲渚菰蒲秋向老

小樓簾幕曙長懸雲踪不遣多時駐月暈先占昨夜圓

寄語殘芳休盡捲看花祇恐是來年

花

益州堂詩後集卷六
藏板
數叢幽卉擁階墀莖葉雖衰色不移涼雨苦催將放藥
薄雲猶護未殘枝試梳蟬鬢寧嫌晚澹掃蛾眉已過時
贏得籬邊霜菊好落遲原只爲開遲

草

掩映飛花作錦茵秋光一片繞河濱徑荒欲誤蜂銜粉
李義山詩蝶銜花藥蜂銜粉牆短頻招蝶過鄰色染莎階因受露根生榆
塞不棲塵凋傷勿怨冰零速畱待陽和入小春

蟲

牀頭低咽助離聲玉塞金閨一樣情月冷夜和疎杵斷

雨昏秋雜暗鐘鳴催殘綠野芳菲歇吟到黃花節序更
擬效子卿無俊語多君又手賦先成
唐李子卿有聽秋蟲賦

蝶

野畦煙暝繡叢稀猶自悠揚趁落暉顧影還愁溪燕掠
隨陽難逐塞鴻飛暫依衰草回香頸且避顛風壞粉衣
若悟南華皆似夢夢中何處是真歸

入古北口

古戍黃華北嚴裝幾度經雪橫沙嶺白柳入塞門青聚
散風吹葉迴旋水泛萍他年休憩日猶怕說龍庭

秋杪家園海棠忽放一枝時瓶中桂香未歇因
令圖於絹素呈他山師辱題佳詠次韻奉和二
首

霜前忽吐一枝紅蜀錦紛披壓桂叢
領略春光渾未盡
又隨金粟占秋風

其二

矜香鬪色九秋天邂逅相逢似夙緣
漫與梅花成伴侶

金城記云以梅聘海
棠但恨不同時耳紅兒新屬桂堂仙
東坡天竺送桂花詩
此花原屬桂花仙

次他山師藥酒初成原韻

人間得失如雞蟲幻景變滅隨東風
忘憂百事不如酒
藥氣未入心先通時方苦寒冰霰集
一醉斗室生和融
筋骸調適美疾愈絕勝刀箭相交攻
蘇詩惡酒如惡
人相攻剔刀箭華胥可
遊試偕往高枕直到晨曦紅

以人參饋他山師有詩見謝次韻奉答四首

斗酒何須售十千海腴分餉輟餐錢
還丹九轉收奇効

蘇詩欲持三極
根往侑九轉鼎已過觀河皺面年
本草人參一名皺面還丹觀河面皺出
楞嚴經先生年已六十三故借用此事

其二

青極紫萼遠難創椴樹陰中格最高
只恐塵寰多俗眼

尋常一樣沒藜蒿

其三

火炙風乾味不同

遼東參多火炙
高麗參多風乾

新羅果否勝遼東良方定

有安心藥

東坡詩安心
是藥更無方

笑把人銜試老翁

其四

四禪天上始無風益氣平分藥醞功小嚼蠶頭能却疾

東坡人參詩
蠶頭試小嚼

置身應自得環中

莊子冉相氏得其環中以隨
成注云環中虛靜無為之處

戲詠冬日牡丹二首

歲寒冰霰灑林丘蚤見芳華綴葉稠管領東風欺百卉

直從春尾到春頭

其二

漏洩天工勝剪裁隔年春色暗中催寒梅較蚤將離晚
何似唐花不斷開

三妹媚

盆中蘭花冬月猶放

同雲迷四野正空谷芳叢繞窗低亞朔吹頻侵喜清標
依舊出塵瀟灑力戰冰霏殊不愧花中王者菊藥凋殘
梅信迢迢敢爭高價 枉費丹青摹寫笑艷杏天桃蚤
舒先謝雪積霜飛恐後時獨立好禁寒夜淑氣還遲便

輕把韶光私借記滿堦庭暑雨簾櫳遣夏

歲暮歸自塞外偶成

一月征驂踏塞沙歸期愁負瓦盆花幸無美疢寧須伴

東坡除夜詩惟有病相尋空齋為老伴

猶及殘冬已到家量小祇堪謀白醉髮稀

何用祝蒼華

蒼華髮神名見白香山集

龍鐘較比眉山蚤

東坡詩龍鐘三十九勞生已強半

可

奈陽烏影易斜

香山詩行年三十九歲暮日斜時

園中竹林經冬尚茂口占二首兼示南湖學士

衆卉凋零葉尚新微君同賞更何人保持晚節非容易

歷盡冰霜始到春

其二

勁節虛心費品題蒼松翠栢價應齊結成香實休嫌苦

不是鷓鴣不敢棲

壬辰除夕二首

猶遲十日覺春賒

後十日立春

已是飛騰暮景斜

少陵詩四十明朝過飛騰暮景斜

對鏡不辭顏似纈臨書漸恐日生花癡歎賣去渾難盡

富貴迎來未足誇贏得精神猶爽健漫從勾漏問丹砂

其二

斗柄垂天忽指東舊遊回首旋成空歲同蛇去鱗先沒

晚被雞催唱未終雲液頻分還舉白金枝經剪却生紅
流光過隙皆如夢歡笑何曾出夢中

香山詩信道人生都是
夢夢中歡笑亦勝愁

癸巳元日二首

節序推遷閱歷深流年那復問升沉丹經罔效虛傳訣
貝葉曾探久息心欲茁新芽緣屋角未消殘雪占牆陰
梅花香裏春先報已被風吹入玉琴

時去立春
尚隔八日

其二

巧智趨營百不如道存用拙是心初敢期學與年俱進
剩遣憂隨日共除荔粉初成開四始牙籤頻展及三餘

但教老去筋骸健鬱壘何須手自書

放翁歲首詩鬱
壘自書誇腕力

歲暮次韻訓湯西厓院長八首

龍庭征騎日駢駢忽漫相逢發興新好景松亭真畫本
萬山雪後不生塵

其二

扈從言旋未是遲到期猶不過冬期俄驚紙上回春色

吟得先生七字詩

時予自塞
外初歸

其三

梅花嶺峻插天開想見登高作賦才漫說江山助毫翰

仙人新跨五羊回

去年八月先生歸自嶺南

其四

判袂春明似夢餘還

朝重喜侍星廬年來子史膺

新命宋豔班香盡入書

數月前先生奉總裁子史菁華之命

其五

磧路沙平馬足輕金微隨地聽秋聲
林林紅葉峰峰月

莫忘聯鞍塞外行

其六

珊瑚翡翠各堆牀寶扇斜分綺幄張
何止金針無覓處

箇中誰識繡鴛鴦

先生詩云欲覓金針了無處空驚七十二鴛鴦

其七

同心終託故交深小草連根傍茂林
筵扣自慚殊未稱

洪鐘猶待發圓音

其八

論文務去陳言後觀相須忘幻色中
更解牛酥非一品

禪門法乳味難同

新正郊居疊西厓院長韻末二章兼呈他山先

生觀河居士八首

金河走馬厭駢駢到舍俄逢歲序新莫近瓶花恐遭汚
征衣猶帶幕南塵

其二

家園春信不嫌遲行樂今年正及期漸老心情無嗜好
尚餘積習苦吟詩

其三

陳根欲茁凍將開光景雕搜恐費才
玉溪生詩江令當年只費才
咫尺平
臺虛拾級飽從絕域看山回

其四

宋本傳來劫火餘文光璀璨繞
周廬子昂眉宇錢翁

筆
新正十日 賜觀宋雕漢書一
有趙松雪小像并錢牧齋跋
畜眼驚窺未見書
杜詩畜眼未見有

其五

燄騰火樹逼寒輕不夜城喧爆竹聲却笑年來成懶癖
苑西還記踏燈行

其六

玉塵垂盡柳梢黃行幄須知取次張喚醒琉璃河上夢
春波依舊看鴛鴦
范石湖詩琉璃河上看鴛鴦

其七

謙牧堂

借佛談詩義最深詞條豈礙接禪林蟲吟鳥語殊啾唧

愛聽迦陵轉妙音 謂他山師

其八

忘本無因色是空真源流入即中中 楞嚴經即以此心中中流入 覺迷畢

竟迷全滅莫向初心立異同

元夕觀放煙火寄懷東江

春城煙火競豪雄出得西郊更不同蜀錦重重連瑞靄

海霞片片捲晴虹廿年撫景隨時易 壬申元夕與東江同觀煙火今已二十一年矣 半

夜為歡向曉空霹靂聲中回昨夢賞奇曾伴老詩翁

和他山師雨後看海棠次原韻二首

嘉卉邀吟賞移牀日幾回隔年長謹護經雨忽齊開淑

景知難駐深根憶共栽紫藤行放葢還約看花來

其二

短葉緣枝綠晴雲吸盞紅 放翁海棠詩盡吸紅雲酒盞中 試携桑落酒相勸

雪髯翁興託悲歡外情牽聚散中 先生時將乞假南歸 夢遊如得句

莫緩報籤筒

益戒堂詩後集卷六終

